

KinyaRwanda - Agape Ibyanditswe - God's Love Letter Scriptures

Yohani 15:9 Uko Data yankunze, ni ko nanje nabakunze, nimugume mu rukundo rwanje.

Ezayi 43:1 Mwebwe abakomoka kuri Yakobo nimwumve Uhoroaho wabaremye, mwa Bisiraheli mwe, uwababeshejeho aravuga ati: "Mwigira ubwoba ni jy wabacunguye, ni jye wabahamagaye muri abanje.

Yeremiya 1:5 "Nakumenye ntarakurema mu nda ya nyoko, nagutoranyije utaravuka, naguhisemo ngo uhanurire ibyanje mu mahanga."

Yohani 15:16 Si mwe mwantoranyije, ahubwo ni jye wabatoranyije, mbatuma kujya kwera imbuto kandi ngo izo mbuto zanyu zigumeho, kugira ngo icyo muzasaba Data cyose mu izina ryanje azakibahe.

3 Yohani 1:2 Jyewe Umukuru, ndakwandikiye Gayo ncuti yanje nkunda kubera ukuri kw'Imana.

Ezayi 43:4 Ibyo nabitewe n'agaciro mufite, murubashywe kandi ndabakunda. Bityo ntanze abantu ho ingurane yanyu, ntanze amahanga ho ingwate y'ubuzima bwanyu.

Yeremiya 31:3 Mu gihe cyashize Uhoroaho yaratwigaragarije avuga ati: "Nabakunze urukundo rudashira, narabiyegereje mbigiranye impuhwe.

Hoseya 11:8 "Mwa Befurayimu mwe, mbese mbagenze nte? Mwa Bisiraheli mwe, ese koko mbareke? Mbese mbarimbure nk'uko narimbuye umujyi wa Adima? Ese mbarimbure nk'uko narimbuye i Seboyimu? Umutima wanje ntiwankundira kubagirira bene ibyo, impuhwe mbagirira ni nyinshi cyane.

Yohani 3:16 Imana yakunze cyane abantu bo ku isi yose, ku buryo yatanze Umwana wayo w'ikinege kugira ngo umwizera wese adapfa burundi, ahubwo ahabwe ubugingo buhoraho.

Ezayi 49:15,16 Uhoroaho arasubiza ati: "Mbese umubyeyi yakwibagirwa umwana yonsa? Ese yareka gukunda umwana yabyaye? Nubwo we yamwibagirwa jye sinzakwibagirwa. 16 Dore nanditse izina ryawe mu kiganza cyanje, inkuta zasenyutse nzihozaho amaso.

Ezayi 41:13 Koko ndi Uhoroaho Imana yanyu ibakomeza, ndababwira nti: "Mwigira ubwoba nzabafasha."

Matayo 28:20 mubigishe gukurikiza ibyo nabategetse byose, kandi dore ndi kumwe namwe iminsi yose kugeza ku mperuka y'isi."

Yohani 14:1 Yezu arababwira ati: “Ntimuhagarike imitima. Mwizere Imana nanje munyizere.

Ezayi 41:14 Uhoraho aravuze ati: “Mwa rubyaro rwa Yakobo mwe, nubwo mumeze nk'umunyorogoto nzabafasha, mwa Bisiraheli mwe, nubwo muri abantu buntu mwigira ubwoba nje kubatabara. Ndi Umucunguzi wanyu, Umuziranenge wa Isiraheli.

Ezayi 43:2 Nimunyura mu mazi nzaba ndi kumwe namwe, nimunyura mu nzūzi ntimuzarohama, nimuca mu muriro ntimuzashya, ibirimby'umuriro ntibizabatwika.

Zaburi 23:1-6 Zaburi ya Dawidi. Uhoraho ni umushumba wanje, ntabwo nzagira icyo nkena. 2 Ampa kuruhukira mu rwuri rutoshye, akanyuhira amazi y'urubogobogo. 3 Ni we ungaruramo intege, ni indahemuka anyuza mu nzira nziza. 4 Nubwo nanyura mu gikombe gicuze umwijima, nta kintu cyantera ubwoba. Kuko wowe Uhoraho, uba uri kumwe nanje, uranyobora ukanandengera, ibyo ni byo bimpumuriza. 5 Untegurira ibyokurya byiza, abanzi banje bakabura uko bangenza. Unyakira iwawe nk'umushyitsi w'imena, ukanzimanira ukandabagiza. 6 Koko ineza yawe n'imbabazi zawe bizambaho, bizambaho igihe cyose nkiriho, nanje nzajya ngusengera mu Ngoro yawe, nzahagusengera igihe cyose nzaba nkiriho.

Yohani 14:27 “Mbasigiye amahoro, amahoro yanje ni yo mbahaye. Sinyabahaye nk'uko ab'isi bayatanga. Ntimuhagarike imitima kandi ntimugire ubwoba.

Abanyafilipi 4:7 Bityo amahoro y'lmana asumba kure ubwenge bw'umuntu, arindire imitima yanyu n'ibitekerezo byanyu muri Kristo Yezu.

Imigani 3:24 Uzaryama nta cyo wikanga, uzisinzirira ibitotsi bikugwe neza.

Zaburi 4:9 Nzajya ndyama nsinzire nta cyo nishisha, kuko Uhoraho, ni wowe wenyine umpa amahoro.

Zaburi 33:18 Nyamara Uhoraho yita ku bamwubaha, yita ku biringira imbabazi ze,

Abanyaroma 5:2 Ni we watugejeje kuri ubu buntu bw'lmana dushingiyeho kubera kumwizera. Noneho dufite ishema kuko twiringira kuzahabwa ku ikuzo ry'lmana.

Ezayi 55:12 Muzava i Babiloni munezerewe, mutahuke amahoro, imisozi n'udusozi bizarangurura amajwi y'ibyishimo, ibiti byo mu gasozi bizabakomera amashyi.

Yohani 16:22 Namwe ubu murababaye koko, ariko nzongera kubabona, maze ibyishimo bibasābe mu mutima kandi ntawe uzabibavutsa.

Luka 12:9 Ariko uzanyihakanira imbere y'abantu, Umwana w'umuntu na we azamwihakanira imbere y'abamarayika b'Imana.

Matayo 10:30 Naho mwe, n'imisatsi yanyu yose irabaze.

Ezayi 54:10 Imisozi ishobora kuvaho, udusozi dushobora kuvanwaho, nyamara urukundo rwanje ntiruzashira, Isezerano ryanje ry'amahoro ntirizakurwaho. Uko ni ko Uhoraho ukugirira impuhwe avuze.”

Matayo 11:28-30 “Mwese abarushye n'abaremerewe nimunsange mbaruhure! 29 Mwikorere umutwaro wanje kandi mundebereho, kuko ndi umugwaneza nkaba niyoroshya. Bityo muzagira ituze mu mutima, 30 kuko umutwaro mbakorera utavunanye kandi umuzigo mbahambirira ntaremere.”

Indirimbo Ihebuje 2:10 Umukunzi wanje arambwira ati: Umukwe: Mukundwa wanje haguruka, mukundwa wanje, ngwino tugende.

Hoseya 2:14,19,20 Nzatsema imizabibu n'imitini bye, ibyo yiratanaga avuga ati: ‘Ibi ni ibiguzi abakunzi banje bampaye.’ Nzabihindura ibihuru inyamaswa zibiriske. 19 Nzamubuza kwambaza ibigirwamana Bāli, amazina yabyo ntazongera kwibukwa ukundi. 20 Icyo gihe nzategeka inyamaswa n'ibiguruka n'ibikurura inda hasi, nzabitegeka bye kugira icyo bitwara Abisiraheli. Imiheto n'inkota n'intambara nzabica mu gihugu cyabo, nzatuma baryama nta cyo bikanga.

Iyimukamisiri 3:14 Imana iramusubiza iti: “Ndi uwo ndi we, kandi uzabwire Abisiraheli uti: ‘Uwitwa Ndiho yabantumyeho.’

Hoseya 13:4 Uhoraho aravuga ati: “Ni jye Uhoraho Imana yanyu, ni jye wabakuye mu gihugu cya Misiri. Ntimukagire izindi mana mwemera uretse jye, erega nta wundi ukiza utari jye!

Yohani 15:14 Mwe muri incuti zanje niba mukora ibyo mbategeka.

Ibyyahishuwe 3:20 Dore mpagaze ku rugi ndakomanga, unyumva wese agakingura nzinjira iwe nsangire na we, na we kandi asangire nanje.